

SAC a reuni cu lidernan di grupo

Lo bay bin cambio den ruta di Carnaval di mucha

ORANJESTAD(AAN) — Ayeranochi durante e reunion di SAC cu e gruponan cu ta participa den Carnaval, a worde papia riba diferente punto entre otro e ruta di Carnaval 2002.

Tecla Kelly a duna di conoce cu a reuni cu e lider di e gruponan cu ta participa den Carnaval pa asina discuti diferente puntonan. Un di e puntonan cu tambe a worde discuti ta e ruta di parada di Carnaval. Kelly a mostra cu e ruta lo no worde cambia pero cu ta bon pa papia riba con ta

bay prepara e gruponan pa e parada. Tambe a papia di e premionan di e gruponan cualnan a worde stipula y poni riba papel. A papia tambe con ta premia y kico ta e criterionan cu mester pagatino cune pa por cay den e premiacionnan. Tecla a mostra cu esaki ta e comienzo di

e reunionnan ya cu e intencion ta pa sigui tene reunionnan. Otro luna 11 di November lo ta apertura di celebracion di carnaval. E promer evento di carnaval lo ta 3 di Januari 2002 mientras cu parada grandi na Oranjestad lo ta dia 10 di Februari y Carnaval ta caba dia 12 di

Februari 2002. Ya caba e programa pa celebracion di Carnaval ta cla caminda lo bay tin un cantidad di actividad.

E cambionan cu lo bay bin ta mas bien riba e ruta di parada di mucha na Oranjestad cual lo no drenta Adrian Lacle Boulevard sino lo sigui coy e mesun ruta cu

carnaval di hende grandi esta caba na DOW. E parada di San Nicolas tambe lo bay conoce un cambio caminda e lo bira un tiki mas largo. E parada di mucha di San Nicolas tambe lo bay conoce cambio mescos cu esun di hende grandi pa evita cu e cabez y rabo ta topa otro.